

度如何。吾人敢斷言曰。法國革命時代之空想家。及英國經濟學者之學說。實對於彼等有莫大之勢力。試以一例證之。則穆勒約翰之經濟學。非彼等崇拜之良書乎。蓋穆勒之哲學。其歸納論理之直截明暢。大為東方人士所歡迎。實無足怪。而支那學者尤常以己之理論。就正於泰西碩學之著作者也。

要之土耳其之革命。乃軍隊指導者發起之運動。其目的在推倒暴君之專制。不惟未破壞主治之土耳其人之社會組織。轉適以助長其勢力。使與土耳其人以外之分子相協和。或使土耳其人以外之分子。愈趨於弱。就此點觀之。則此革命實為不可少之物。而其效果亦不可謂不善。支那之革命則係主治者失其統治

之能力。一部黨人。乘之而起。遂卒至僥倖成功。故無建設之能力。無威信之領袖。無融合之要素。縱令此番革命。為不得已。然驟以此種共和政治。施於毫無程度不解共和二字為何物之人民。雖有一具政治之天才。非常之手腕。且執無限之權力。如加兒大帝彼俄特兒大帝其人者。為之元首。其能保國土民衆之不至崩瓦解者。亦幾希矣。

(贊言)此論為英人白朗德所作。其立言之正否。譯者姑不與之辯。苟吾國民能讀而知憤。努力一心。建立堅強之國本。豫備雄飛之遠圖。使他年之中華民國。幸能免於白氏之所料。則此論亦未嘗非我之藥石也。

## 日俄二國政治與經濟之關係

譯日本東京外交時報  
Natsunaki 著

郁少華

凡二國政治上關係者。必與其經濟上有關係。經濟上之關係愈密切。則政治上之團結力愈濃厚。邦交既敦。戰禍自息。曩者歐洲諸國。風雲擾攘。波瀾迭興。乃近日弭兵息戰。易干戈為玉帛者。無他。經濟上有共同之利害。始於國際上不得不易激烈為和平。此必然之勢也。反觀日本與俄國之關係如何。以記者度之。邦交甚深。政治上之關係亦日漸澎漲。惟密切之財政關係。則不僅未見發達。且日漸衰敗。而與政治之關係。幾令人有反比例之感焉。

自日俄罷戰以還。邦交親密。達於極點。此可以近今三事證之。其一俄人拒絕美國之同盟。其二美國諾克斯君提議中國東方鐵道及南滿洲鐵道中立問題。日俄聯合拒之。其三俄國不承認俄美條約。蓋美國近日對於遠東之大局。頗思施行活潑政策。觀於以上之三事。則美人躍躍欲試之心。蓋可見矣。

試自表面觀之。俄人拒絕美國之同盟。對於日本。初無直接之關係。惟觀其前後對美之方針。則俄之拒美。實示惠於日本。猶憶千九百零七年。美國塔虎脫君時為陸軍大臣。假道於西伯

22454 利亞赴聖彼得堡。時日俄議和未滿二週。塔氏遊俄。負有重大之國務職任。當時報紙對於俄美之關係。頗有鼓吹之者。惟勢力薄弱。不足以惹起世界之觀念。無何。塔氏離聖彼得堡。記者適奉後藤新平男爵之命。赴俄之南部。時俄之職官。咸悉心研究英文。記者甚異之。嗣知塔氏之遊俄。為締結俄美同盟起見。益為驚訝。以為俄美二國之能同盟也。時日俄議和未久。信孚未著。設爾時俄人追念夙讐。從塔氏之請。則遠東之大局。正不知其現象如何也。幸俄人卒拒美人之請。自是之後。俄日美三國對於遠東問題。狀態為之一變。故俄之拒美。雖不得謂之為日俄和好之發端。然厥後俄日二國邦交漸密。至於今日。其原動力實基於此。

至諾克斯氏提議鐵道中立問題。使日俄二國知對於滿洲。不得不同心協力以經營之。是諾氏之提議。益足堅二國之邦交也。若夫俄政府不承認俄美條約。乃俄人國際之政策。與日本無直接之關係。惟注意東方大局者。對俄日之關係。與美日之關係。必細加研究。則詳言俄美解約之小史。當亦讀者諸君所樂聞也。俄政府思增進勢力。對於國會中之國家黨。維持扶助。不遺餘力。以鞏固其中央集權之基礎。而抵禦其中左二部。蓋中左二部之民。以波蘭自治問題。屢起變端。力抗政府。政府思有以制之。故藉國家黨以自助。第國家黨所抱之宗旨。以為俄羅斯者。斯拉夫民族之俄羅斯。非斯拉夫民族。不應享同等之權利。故遇之極嚴。而待猶太人尤虐。自去春以還。俄政府取締猶太

人僑居之地。不使與俄人雜處。又褫奪其公私權利。甚且驅之入西伯利亞。或荒僻邊地。惟僑於俄之猶太人。多數為入美籍之公民。按俄美條約。載明美籍猶太人之僑於俄者。俄人當以美人視之。俄政府不願此約。悍然行之。美政府按約駁之而無效。於是美人以解約要挾俄人。俄政府不為所動。俄美之約遂解。將來俄美關係之結果。究竟如何。殊難臆斷。惟俄政府之態度。似抱定宗旨。不願與美人締結無謂之條約。因轉而與日人相親。俄日交歡。結果良美。不僅維持遠東之和局而已。世界之治安。實深賴之。

俄日政治上之關係。既詳言之矣。請言俄日經濟上之關係。今試問近數年來。俄日經濟上關係。能互相提攜。與政治上之關係雙方並進乎。未能也。日俄議和之初。日人之僑居海參崴者。約五千人。自海參崴閉關之後。日人僑居於是處者。即減為三千人。今則二國之商務。退縮至於極點。其故果安在乎。就其要者計之。約有三端。可為明證。一俄人之對於進口貨。海關稅則甚重。幾同禁阻。二俄日同為務農之國。產品上無互相交換。互相挹注之利益。三日俄二國。均缺乏商務上之智識。夫進口稅率增高。此俄人保護利權外溢之政策也。百數年來。俄人守此政策。一旦驟改。殊非易事。則日人實無希望俄國修改稅則之理由。顧稅率雖重。每年各國進口貨。猶有數萬萬元之值。則日人何獨不能於商業競爭之場。占一重要之點乎。試言第二端理由。日本之工業發達。其無發達之希望乎。商務進步

遲滯。其袖手以待時機乎。此不待智者而知爲非計也。使吾人  
不畏困苦。悉心調查二國經濟之情形。則謀商務之發達。要非  
難事。至難之點。則深諳二國經濟之情形者。實難其人。蓋其  
智識不足以任調查之職。故謀二國經濟之發達。學問固不可少  
也。

當後藤新平男爵去年遊俄之時。氏嘗與俄國財政大臣詳論日俄  
商務不能發達之理由。俄財政大臣謂之曰。『俄日商務之不能發  
達。言語不通有以阻之。深通日本文甚難。故俄人諳日文者甚  
少。然日人之諳俄文者。似亦不多。賓主相見。如聾與啞。欲  
使二國交際商務。日形發達。蓋宥及乎其難矣。』俄大臣又提議  
各遣學生留學。互習言語文字。以爲交通之媒介。所言雖屬尋  
常。別無精奧之理想。然研究其言。則字字精確。故欲求二國  
經濟之關係日漸密切。宜互習言語爲交通之初階。進而上之。

## 日本人民果爲何等人民耶

譯美國曠觀報經南  
George Kennan 原著

錢智修

以達吾人最後之目的。

夫日本今日之貧困。非由於進口貨之過多。人口蕃殖之過度。  
與夫物價之飛騰乎。於是官民交相責備。官吏歸其咎於人民。  
而人民則謂商務抑壓不興。官吏實擔有完全之責任。夫官民苟  
不能同心協力。以改良社會上之生活。而發達國外之經商。則  
國家經濟上之傾覆。其何以能免乎。日本人民過去之教育。既  
恃日本之國魂以發達矣。則擴張日人未來之教育。以學習俄國  
文字。取法俄國精神。非今日之急需乎。夫國魂者。國家之精  
神也。一國之轉禍爲福。反弱爲強者。恃有此精神耳。  
俄國國家之精神。含有敢死與堅忍二主義。藉此主義。遂成今  
日之俄國。勇如拿破崙。亦嘗望而却步焉。日本與俄人通商。  
當採此敢死堅忍主義。自助以處己。持平以接物。其庶幾乎。

22455

現在之日本。已於世界史中。佔重要之地位。其國之將來。尤足  
惹人注意。不論爲敵國爲友邦。而於現世紀中。必與吾美有深  
切之關係。壤地既益相接近。商品亦賴以消售。在東亞之商業。  
又爲吾美之勁敵。則其人民之性質。尤不可不深知。而由今觀  
之。猶多誤解。此余所以撰著斯文。以祛除其錮蔽也。

余之僑寓遠東也。殆二年有半。返國以後。又在吾美太平洋沿  
岸。作一年之旅居。日本人之居家作客。赴戰鬪而處和平。皆  
得在斯時考察之。於其國內之學校、監獄、地方行政、普通制度。  
及其經營滿洲、抵抗強俄。罔不屢屢注意。而知日本人中。以居  
東京、西京、旅順者。爲最佳。居朝鮮者爲最劣。其考察之機會。